

開國五百三年十二月 日

新式韓國印書體木活字
華之謹記

鄉約章程 全

RARE
Book

Cha
1.24

開國五百三年十二月 日

鄉約章程

完山招安局活印

鄉約事目

鄉約即周官三物八刑之義而至宋呂氏初爲條規
朱夫子又從以損益之蓋彰瘡善惡轉移風俗莫此
爲要顧今習俗日渝教化不明至於邪說橫流變恠
百出認亂賊以忠義化赤子爲龍蛇此若不及今猛
省一變頽風全省舉將陸沉豈不大可懼哉茲以參
酌古今祛繁取簡著成事目頒示各官兼行伍連之
制糾察奸細使教化政令合而爲一凡我五百年化

育中人士推吾心之本善扶斯文之將喪相率之道
勗哉勉哉

一一邑推年長德行最尊者一人為都約正

勿論朝官儒生

以德望衆所信服者

有學術操行者二人為副約正又擇一

人為直月

必須公正和平識義理不撓者

一一面擇定約正一人直月一人

勿論朝官儒生

更擇常民

中識事理勤幹者為面掌

面內事務以至催科均稅之鄰面約正主之固

掌舉行告官文狀約正用稟目面掌用牒報

一里擇可堪者一人為里正

無班民則常民中擇之

又擇常

民中一人為里掌

無常民則班民亦可○里中事務里正主之里掌舉行

一都副約正各面約正各里正非有大故不許數遞

直月面掌里掌從便輪遞

一邑置都籍書一邑之入約者各面置面籍書一

面之入約者追後入約者每朔講約時續書

邑籍則春

秋講會時續書

無論班常皆許入約但書籍時分類以書講會時

別其座而已

一都約正以下除里掌外皆望報地方官差定

一每月初一日面約正各於其面會集講約

初一日如有相

值初二初三亦可而不得過此限

一每歲春秋都副約正會鄉約正以下諸員講約於

鄉校

一約員各出幾兩錢都聚殖利

必以輕違

以爲春秋講約

時所需及約員中稽喪所助至於每朔講約時點

心之資各員自拏

一都約正面約正皆有圖署

木刻墨印自官造給用於稟報及約中義通時

一都約正及面約正處各置三籍一書爲善者一書

爲惡者一書自願入約者

匾月書之

一善惡之籍皆自立約後始約前雖有過失勿論

德業相勸

忠君孝親。敬長隆師。兄友弟恭。夫和婦順。睦親黨。和隣里。畏官長。奉國法。通經術。崇正學。持心正。

直行已敦實。言語必慎。交遊必擇。見善必行。聞過必改。他人有過必潛規之。他人有善必褒揚之。勿拘私害公。勿利己害物。勤業農桑必有恒產。早了糶稅。毋被督責。射御書數利用厚生之道務極其

精

右善行諸條中。有能力行者。約會時量施三等之賞。

過失相規

好異端邪說者。身必亡。如近日東學佛學之類。喜祈神禱鬼者。家必敗。如誦呪轉經之術。張角能通。

遁甲終為礫尸

漢時張甬得天書有神妙不測之術聚徒百萬以為漢運終者黃

巾起矣終為官軍所敗兄弟三人斬首就戮史指

黃巾賊與近日東徒之號為白衣賊佛學之謂胡

中有國情狀孫恩飛行雲外不免溺死晉時江南

孫為相似氣招神飛行空中知未來事其黨漸滋起兵擬

閩海諸郡其勢甚太竟為官軍所敗投溺而死其

黨以恩為水仙從而投水者數百如近日東徒

之以資濟愚為不死特有造化來助之說也白

連哥老為禍無窮

清國道光年間湖南人洪秀全有罪亡命八廣西謂有禱天護

身之術誘民聚黨號白蓮教以不薩髮激民起兵

連陷十三省魚肉生靈終為曾國藩所敗削棺焚

尸如近日東匪之藉托攻斥日人煽動民心也又

湘鄂等地有哥老會匪結黨竹刻禁之不得此教

亦與東徒相類

猛獸洪水聖人所戒迷不知返凶國禍家

凡厥士人庶幾覺悟。酗酒者近刑。雜技者爲盜。忿怒相歐。惡言相詰。以少凌長。以強凌弱。言語不實。誣毀他人。輕蔑禮法。行已無恥。營私太甚。憑公作弊。不畏法令。不謹租賦。妄交匪人。妄傳騷訛。知過不改。聞諫愈甚。諸如此者。鄉黨之所不齒。邦憲之所不容。約員相規。有則改之。無則勉焉。

右惡行諸

條中有犯者約會時望施三等之罰

禮俗相交

禮俗之交卽長幼有序。朋友有信謙讓溫恭。待人接物。皆中於禮節之謂也。長於己二十歲以上待之以尊者。長於己十歲以上待之以長者。年上下不滿十歲者待之以敵者。小於己十歲以下待之以少者。小於己二十歲以下待之以侍生。卽幼者也。十歲上下又以老少兄弟相稱。然或長於己八九歲十餘歲之人與其父先爲許交則爲子者年

雖等以長者待之

凡少者幼者逢必拜於尊者長者凡見人語終則告退主人或有倦色或有所事宜即告退凡遇尊長於道皆徒行則趨進拱手向候待其過乃行或騎馬行則遇親知徒步者必下馬寒暄雖逢少者必下馬而初不相知之人則不必下馬凡聚會別其坐次以齒序之若有異爵者不宜以齒若婚會則以婿家爲上客不以齒爵凡同約有吉事則慶

之有凶事則吊之凡於請召送迎各盡其禮

患難相恤

患難相恤之事。一曰水火若有被灾親往救之家
舍燒毀則合力更搆以爲奠居。二曰盜賊小則同
力追捕之大則告官捕之。三曰疾病小則遣人問
之或躬往甚則訪問醫藥而助之。四曰死喪聞即
吊慰隨力賻贈借貸。五曰孤弱貧則同力濟之不
貧則同力顧護。六曰誣枉如有被誣而不能自新

者代爲周旋又以財濟之。七曰貧乏有安貧守介
而生計太不足以財濟之或爲之假貸使得營產
自立以歲月漸次償之

會集讀約

凡會日約正副約正直月皆早食後正衣冠俟于鄉

校

依朝令用時衣。春秋講會則面約正以下只
以約員各里正里掌只以

面掌各里正里掌只以先以長少序拜于東序同約

者如其服而至俟於外次既集以齒爲序立於門外

東向約正以下出門西向皆北上

約正與最尊者相向

約正迎

揖入門

約正八門副約正以下隨之尊者八門長者以下隨之

至庭中約正以

下立於東庭西上奠者以下立於西庭東上皆北向

重行立定皆再拜約正陞上香降輿在位皆再拜

約正

陞降皆由階階○若書院則於院祠行禮如上儀鄉射堂及他所則無此禮

畢就講堂之

處分東西向立

如門外立

約正三揖尊者三讓約正先

升尊者從之

約正以下升自階階餘人升自西階

就堂上皆北向立

約正

以下西上餘人東上人多則重行

直月引約正及尊者以下序立如

圖在位者分東西相向再拜既畢各就坐庶人以次

入庭使面里在中常民明敏者分別其類各以齒序

近吏校下番者與良民屈竹序齒皆北向再拜約正副正直月起立

答揖各就坐坐如下圖各訖直月中坐堂中下近東

抗聲讀約法一遍副正推說其意有未達者許其實

問又互解文者一人於民人而坐開說上四條及下

勸戒等語使人人無不曉曉且令整齊發願無貳於是鄉中有善者眾推之有過者直月糾之約正

詢其實狀于眾無異辭乃論三等之賞罰鄉民中亦

今里王告

善惡實狀詢于衆議而論賞罰

令直月書之直月遂讀記善籍一遍

又讀記過籍一遍既畢乃食

無厭食則廢人只留執事者餘令先退可也

食畢少者復會堂上或說書或習射講論從容

講論須有

益之事不得輒道神奸邪僻悖辭之言及私議朝廷州縣政事違者直月糾而書之

約員子弟

未入籍者及凡未叅籍者毋論班常亦許別立觀禮但不與會

賞條

上賞卓行優異者告官

啓褒次賞蠲除烟役又其

次約會時特設一卓禮待之

罰條

上罰惡行不悛者告官嚴懲次罰鳴鼓黥約又其次
答罰自五度至二十度

會集序坐讀法之圖

明倫堂

孟月
諸正
副正
約正

尊者
異爵者

讀約他

少者
長者
幼者

尊者
異爵者

里長
里正
面掌

民良 校吏 民良
階西 階階

會講處所若在外面則以寬廣能容處爲之

祠院
鄉射

堂式私家亦可暫設
布幕於爭處亦可

觀察使兼慰撫使

紀事目錄

每卷楮價梓費三十文

